

Հայաստանի Հանրապետության Շիրակի մարզի  
Անի համայնքի ավագանու 2025 թվականի  
փետրվարի 27-ի N 29-Ն որոշման

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՆԻ ՀԱՄԱՅՆՔԻ 2024 ԹՎԱԿԱՆԻ  
ՏԱՐԵԿԱՆ ԱՇԽԱՏԱՆՔԱՅԻՆ ՊԼԱՆԻ ԻՐԱԿԱՆԱՑՄԱՆ ՎԵՐԱԲԵՐՅԱԼ ՀԱՄԱՅՆՔԻ  
ՂԵԿԱԿԱՐԻ ՀԱՇՎԵՏՎՈՒԹՅԱՆ**

**Քաղաք ՄԱՐԱԼԻԿ 2025 Թ.**

**1. Ենթակառուցվածքներ**

Մարալիկ քաղաքի բնակֆոնդի պահպանմանն ուղղված ամենամյա ծրագրի համատեքստում Մարալիկ քաղաքի 2-րդ թաղամասում իրականացվել են 1-ին, 2-րդ, 4-րդ և 6-րդ բազմաբնակարան բնակելի շենքերի տանիքների վերանորոգման շինարարական աշխատանքներ: Աշխատանքներն իրականացվում են համայնքների տնտեսական և սոցիալական ենթակառուցվածքների զարգացմանն ուղղված սուբվենցիոն ծրագրերի շրջանակներում, որի ընդհանուր արժեքը կազմել է 64 մլն ՀՀ դրամ, աշխատանքներն ավարտական փուլում են:

ՀՀ Շիրակի մարզի Անի համայնքի Սառնաղբյուր բնակավայր տանող ճանապարհի մինչև Կարմիր վանքի հատված 1300 գծմ եկարությամբ ճանապարհի ասֆալտապատվել է, սոցիալ-տնտեսական սուբվենցիոն ծրագրերի շրջանակներում, աշխատանքները ավարտական փուլում են:

Անի համայնքի Լանջիկ, Զիթհանքով և Քարաբերդ բնակավայրերի խմելու ջրի մատակարարումն իրականացվում է Արագած լեռան ստորոտի «<Չլկաններ կոչվող>> բնական աղբյուրներից, որոնց թողարկային հզորությունը, հատկապես ամռան ժամանակաշրջանում, չէր բավարարում այդ բնակավայրերին բավարար քանակությամբ խմելու ջուր մատակարարելու համար: Մարալիկ քաղաքի օրական կարգավորման 2000 խոր. մետր տարողության ջրամբարի /ՕԿՁ/ հարևանությամբ առկա պոմպակայանի արդիականացման, նոր պոմպերի տեղադրման շնորհիվ «<Ղազանչի>> ջրատարից Մարալիկ մղվող ջրից որոշակի քանակության ջրի մղման արդյունքում բարելավել է Լանջիկ, Զիթհանքով և Քարաբերդ բնակավայրերի խմելու ջրի մատակարարումը:

Սուբվենցիոն ծրագրի շրջանակներում իրականացվել է նաև «Անի համայնքի Մարալիկ քաղաքի կոյուղագծերի կառուցման աշխատանքներ» ծրագիրը: Մարալիկ քաղաքի Շիրակացի, Կոլտնտեսականների փողոցների, Շիրակացի 1-ին, 2-րդ, Կոլտնտեսականների 3,4,5,6,7-րդ նրբանցքներում անցկացվել են կոյուղագծեր, որոնց ընդհանուր երկարությունը կազմել է 4300 գծ. մետր, կառուցվել է կոյուղաջրերի մաքրման կայանք: Ծրագրի արժեքը կազմել է 104 մլն. ՀՀ դրամ:

Սուբվենցիոն ծրագրի շրջանակներում համայնքի տրանսպորտային պարկը համալրվել աղբատար նոր մեքենայով, որի արժեքը կազմում է 32 մլն. 611 հազար ՀՀ դրամ:

2024 թվականին պետական ծրագրի շրջանակներում ասֆալտապատվել են Մարալիկ քաղաքի Հաղթանակի, Արկադի Տեր-Թադևոսյան /Նախկինում Ձերժինսկի/, Մադաթյան փողոցի 121 գծ.մ երկարության հատվածը և Ազատության հրապարակը: Սալիկապատվել են նշված փողոցների և հրապարակի հարակից մայթերը, արդիականացվել են փողոցների լուսավորության համակարգերը և կոմունալ ենթակառուցվածքները: Ծրագրի ընդհանուր արժեքը կազմել է 279 մլն 800 հազար ՀՀ դրամ: Պետական ծրագրի շրջանակներում մեկնարկել է Զիթհանքով-Թալին համայնքի Զարինջա միջբնակավայրային 4.3 կմ. երկարության ճանապարհի հիմնանորոգման աշխատանքները, որի արժեքը կազմում է 479 մլն ՀՀ դրամ:



Սառնաղբյուր բնակավայրում համայնքի միջոցներով տեղադրվել է մշակույթի տան պատուհանները և ցանկապատվել է տարածքը:

## **2. Ընթացքի մեջ գտնվող ծրագրեր**

Շինարարության փուլում են Սարակապ բնակավայր տանող ճանապարհի 1500 գծ. մետր հատվածի և Հայկաձոր բնակավայր տանող ճանապարհի 1500 գծ. մետր հատվածի ասֆալտապատման աշխատանքները:

Հրատապ լուծում պահանջող պետական ծրագրի շրջանակներում ընթացքի մեջ է Լուսաղբյուր բնակավայրի խմելու ջրի ջրամատակարարման ներքին ցանցը: Սարակապ բնակավայրին ջրամատակարարում ապահովելու համար անցկացվել է 3,5 կմ երկարության նոր ջրատար և տրվել է միացում օրական կարգավորման ջրամբարներին: Ծրագրերի ընդհանուր արժեքը կազմում է 52 մլն 716 հազար ՀՀ դրամ:

2025 թվականին պետական ծրագրի շրջանակներում Անի համայնքի Շիրակական և Ջրափի բնակավայրերում նախատեսվում է կառուցել 288 աշակերտ/տեղ նախագծային հզորության հանրակրթական նոր դպրոցներ, իսկ Սառնաղբյուր բնակավայրերում՝ 578 աշակերտ/տեղ հզորության նոր դպրոց: 150 տեղ հզորության մանկապարտեզ է նախատեսված կառուցել Մարալիկ քաղաքում և 50 տեղ հզորության մանկապարտեզ՝ Քարաբերդ բնակավայրում: Նախատեսված է հիմնանորոգել Բագրավան բնակավայրի հանրակրթական դպրոցը:

## **3. Սոցիալական ոլորտ**

ՄԱԿ-ի փախստականների գրասենյակի և «Առաքելություն Հայաստան» ԲՀԿ-ի հետ համագործակցության արդյունքում Անի համայնքի հաշմանդամ երեխա ունեցող թվով 54 ընտանիքների հատկացվել է ամառային վերնաշապիկներ:

«Դիակոնիա» ԲԿ-ի հետ համագործակցության արդյունքում Անի համայնքի սոցիալապես անապահով 600 ընտանիքի հատկացվել է սննդի փաթեթներ և ձմեռային հագուստ ու կոշիկներ:

Անի համայնքի միջոցների հաշվին 240 բնակչի տրամադրվել է միանվագ դրամական օգնություն:

## **4. Արտակարգ իրավիճակներից բնակչության պաշտպանություն**

Կատարվել են սելավատարերի մաքրման և պահպանման աշխատանքներ: Կազմվել է Անի համայնքի քաղաքացիական պաշտպանության պլանը:

## **5. Գյուղատնտեսություն**

Անասնաբուծության բնագավառում կառավարության հետ համատեղ կատարվել է խոշոր եղջերավոր կենդանիների մթերատվության բարձրացման ծրագիր, արհեստական



սերմնավորման ծախսեր փոխհատուցման միջոցով: Անասանաբուծությամբ զբաղվողների թվի աճը կազմել է 1 տոկոս:

«Կառավարության կողմից հաստատված «Բուսաբուծության աջակցության ծրագիր» ծրագրի շրջանակներում տրամադրվել է գարնանացան գարու և կերային կուլտուրաների հավաստագրված սերմերով ցանկի ծախսերի փոխհատուցում 70000 ՀՀ դրամ 1 հա-ի հաշվով:

Սարքին վիճակի է բերվել Անի համայնքի տարածքում տեղադրված բոլոր՝ թվով 50 հակակարկտային կայանքները: Կարկտահարությունից պաշտպանվել է մոտ 3200 հա ցանքատարածություն:

## **6. Շրջակա միջավայրի պաշտպանություն**

2024 թվականին Անի համայնքի տարածքում տնկվել է շուրջ 6000 ծառ և թուփ: Սանիտարական և երտասարդացնող էտի է ենթարկվել մոտ 350 ծառ:

Աղբամանների թիվը ավելացել է 230-ով: Հողի շերտով ծածկվել և փակվել է 3 աղբավայր: Մասնակի ցանկապատվել է 1 աղբավայր:

## **6. Քաղաքաշինություն և կոմունալ տնտեսություն:**

Համայնքի տարածքում տեղադրվել է 156 նոր հնասյուն լուսատուներով, արտաքին լուսավորության բարելավման նպատակով: Արդի լեդ լուսարձակներով են փոխարինվել 1000-ից ավել արտաքին լուսավորության կետեր:

Մարալիկ քաղաքի Ազատության հրապարակը, Արկադի Տեր-Թադևոսյանի թողոցը և երտասարդական փողոցը ամբողջապես կահավորվել են ճանապարհային երթևեկության նոր նշաններով: Ընթացիկ նորոգվել է (փոսալցվել) 1785 քառ.մ ճանապարհներ Մարալիկ քաղաքում, Սառնաղբյուր, Ձորակապ և Լուսաղբյուր բնակավայրերում:

«Հայկական Կարիտաս» բարեսիրական հասարակական կազմակերպության և համայնքի համաֆինանսավորման արդյունքում «Վերականգնող էներգիայի և էներգոաղյուսակետության խթանում Շիրակի մարզի համայնքներում» միջոցառման շրջանակում 2024 թվականին Անի համայնքի Լանջիկ բնակավայրի համայնքային կենտրոնի, «Սառնաղբյուրի մանկապարտեզ» և Մարալիկ քաղաքի «Ռոմի Բարոնյանի անվան մանկապարտեզ» ՀՈԱԿ-ների շենքի տանիքներին տեղադրվել են արևային ֆոտովոլտային կայաններ, որոնց ընդհանուր արժեքը կազմել 9,365,000 ՀՀ դրամ:

## **7. Կրթություն**

Արտադպրոցական դաստիարակության խմբակներ հաճախող երեղաներ թիվը ավելացել է շուրջ 80-ով: Նախադպրոցական ուսումնական հաստատություններից բավարարվածությունը կազմել է 60 տոկոս:

## **8. Մշակույթ և երիտասարդության հարցեր:**

Գրադարաններից օգտվողներ թիվը ավելացել է 445 ընթերցողով: Համայնքի ղեկավարին կից ձևավորվել է կանանց և երիտասարդների խորհրդակցական մարմին: Բացվել է 2 երիտասարդական կենտրոն:

### **9. Ֆիզիկական կուլտուրա և սպորտ**


Համայնքի սպորտային հաստատություններ հաճախում է ավելի քան 420 սան, որոնց թիվը 2023 թվականի նկատմամբ աճել է 30 տոկոսով:

### **10. Զբոսաշրջություն**

Անիի համայնքապետարանի և զբոսաշրջային ոլորտի հայաստանյան ներկայացուցիչներ հետ համագործակցության արդյունքում Անի համայնքի մի շարք տեսարժան վայրեր ընդգրկվել են ներգնա տուրիզմի ուղղություններում:

Ընդհանուր առմամբ համայնքի բնակիչների բավարարվածությունը մատուցվող ծառայություններից աճել է մի քանի անգամ:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ  
ՄԱՐԶԻ ԱՆԻ ՀԱՄԱՅՆՔԻ ՂԵԿԱՎԱՐ**



**Ա. ՍԱՐԻԲԵԿՅԱՆ**